

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), na prijedlog Ministarstva za pravosuđe i upravu, Vlada Zeničko-dobojskog kantona, na 65. sjednici, održanoj 31.05.2012. godine, d o n o s i

ZAKLJUČAK

I.

Prima se na znanje Informacija o nevladinom sektoru u Zeničko-dobojskom kantonu.

II.

Informacija iz tačke I. ovoga zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/12.
Datum, 31.05.2012. godine
Zenica

DOSTAVLJENO:
1x Ministarstvu za pravosuđe i upravu,
1x Stručna služba Skupštine,
1x a/a.

PREMIJER

mr.sci. Fikret Plevljak, dipl.ing.

Bosna i Hercegovina
Federacija Bosne i Hercegovine
ZENIČKO - DOBOJSKI KANTON
MINISTARSTVO ZA
PRAVOSUDE I UPRAVU



Bosnia and Herzegovina
Federation of Bosnia and Herzegovina
ZENICA - DOBOJ CANTON
MINISTRY OF
JUDICIARY & ADMINISTRATION

INFORMACIJA O NEVLADINOM SEKTORU U ZENIČKO-DOBOJSKOM KANTONU

Zenica, maj 2012. godine

I. UVOD

Ova informacija obuhvata nevladin sektor koji predstavlja nevladine organizacije, odnosno udruženja građana sa sjedištem u Zeničko-dobojskom kantonu, a koja su upisana u Registar udruženja građana Zeničko-dobojskog kantona, njihov značaj, uslovi za registraciju, ciljeve i djelatnost udruženja, ukupan broj registrovanih udruženja i iznos finansijske podrške Vlade sa najznačajnijim projektima.

Zakonom o udruženjima i fondacijama Federacije Bosne i Hercegovine („Službene novine Federacije Bosne i Hercegovine“, broj: 45/02), uređeni su uslovi i postupak za osnivanje, unutrašnja organizacija, registracija, prestanak udruženja, kao i druga pitanja od značaja za slobodno i dobrovoljno udruživanje građana i pravnih lica u Federaciji Bosne i Hercegovine.

Pravilnikom o načinu vođenja registra udruženja i fondacija i stranih i međunarodnih nevladinih organizacija („Službene novine FBiH“, broj: 61/02, 8/08 i 78/10), propisan je postupak upisa u knjige registra udruženja i fondacija i stranih i međunarodnih nevladinih organizacija u Federaciji Bosne i Hercegovine, promjene upisa u registar, oblik i sadržaj registra i način njegovog vođenja, izdavanje izvotka iz registra i druga pitanja od značaja za upis i vođenje registra subjekta upisa.

Procedure oko upisa u Registar udruženja i fondacija sa potrebnim obrascima nalaze se na službenoj Web stranici Zeničko-dobojskog kantona.

II. ZNAČAJ NEVLADINIH ORGANIZACIJA

Nevladine organizacije su kao oblici organizovanja i slobodnog udruživanja građana koji zastupaju različite interese i potrebe u zajednici i društvu u kojem aktivni građani, odnosno građanska inicijativa, okupljaju i razvijaju društveni i ljudski potencijal u cilju demokratizacije odnosa u javnom, političkom, ekonomskom, kulturnom i svim drugim sferama društvenog života neophodne u svakom društvu pa i u Zeničko-dobojskom kantonu.

Nevladine organizacije imaju posebnu vrstu povjerenja među članovima, kao i u društvu u cjelini, jer im omogućavaju da izraze zabrinutost, zastupanje, njihove interese i mogućnost učešća u kreiranju određene politike i inicijativa u zajednici.

Razvoj civilnog sektora, odnosno nevladinog, neprofitnog, dobrovoljnog sektora, uz slobodu udruživanja i djelovanja za opće dobro su prioriteta u civilnom društvu i prepoznati su kao važan element u javnom životu našeg društva.

Priznanje položaja i uloge nevladinog sektora u BH društvu i značaj u procesu izgradnje demokratije i civilnog društva su veoma bitni u procesu održivog razvoja lokalne zajednice i društva u cjelini.

III. REGISTAR NEVLADINIH ORGANIZACIJA

Uslovi i postupak za osnivanje, unutrašnju organizaciju, registraciju, prestanak rada udruženja i fondacije, kao i druga pitanja od značaja za slobodu i dobrovoljno udruživanje građana i pravnih lica vrši se u Ministarstvu za pravosuđe i upravu – Sektor za upravu, na zahtjev za upis koji se podnosi na propisanom obrascu.

Udruženje i fondaciju mogu osnovati najmanje tri fizička lica koji su državljani Bosne i Hercegovine ili u njoj imaju boravište ili tri pravna lica registrovana u Bosni i Hercegovini.

Uz zahtjev za upis u registar udruženja prilaže se: osnivački akt (odluka o osnivanju udruženja), statut, odluka nadležnog organa o imenovanju osobe ovlaštene za zastupanje i predstavljanje udruženja, odluka o imenovanju članova organa upravljanja udruženja, zapisnika sa osnivačke skupštine udruženja, ovjerene fotokopije identifikacione isprave za osnivače i osobe ovlaštene za zastupanje i predstavljanje udruženja i dokaz o izvršenoj uplati troškova, koji se odnose na registraciju udruženja u ukupnom iznosu od 170,00 KM.

Upisom u registar nevladina organizacija tj. udruženja i fondacije stiču svojstvo pravnog lica, a rješenje o upisu objavljuje se u „Službenim novinama Zeničko-dobojskog kantona“. Od 2011. godine i rješenje o promjeni naziva, sjedišta, osobe ovlaštene za zastupanje i predstavljanje ili pripajanje, razdvajanje ili transformaciju ili prestanak rada udruženja objavljuje se u Službenim novinama Zeničko-dobojskog kantona.

IV. DJELATNOST

Kako svaka nevladina organizacije ima svoje ciljeve i djelatnost one su shodno tome razvrstane po vrsti djelatnosti, a koje ne mogu biti u suprotnosti s ustavnim poretkom Bosne i Hercegovine ili Federacije Bosne i Hercegovine, niti usmjerene ka njegovom rušenju niti raspirivati nacionalne, rasne, vjerske i druge mržnje ili diskriminacije zabranjene Ustavom i Zakonom.

Ciljevi i djelatnost udruženja ne mogu uključivati angažovanje u predizbornoj kampanji politički stranaka i kandidata, prikupljanje sredstava za političke stranke i njihovo finansiranje.

Nevladine organizacije u Zeničko-dobojskom kantonu obavljaju 15 „osnovnih“ djelatnosti i to: arhitektura, afirmacije struke, boračka zaštita, sportska, privredna, pomoć građanima oštećenog sluha, socijalna skrb, tehnička kultura, muzička kultura, pomoć ženama, kultura, zdravstvo, obrazovanje, poljoprivreda i ekologija, a pores istih su u statutima udruženja navedene i druge djelatnosti.

Osnovne djelatnosti nevladinog sektora su:

- jačanje međusobnih strukovnih, naučnih, kulturnih i umjetničkih kontakata prema opće prihvaćenim međunarodnim standardima,
- njegovanje i razvijanje etike u skladu sa principima i načelima moralnog kodeksa arhitekata i zaštita autorskog i profesionalnog integriteta arhitekta,
- zaštita pravnog i socijalnog statusa članstva, pružanja odgovarajućih vidova pomoći, ostvarivanje prava na besplatnu zdravstvenu i pravnu pomoć članova, prikupljanje arhivske građe o članstvu, inicijativa za poboljšanje statusa članstva, te donošenje kodeksa boračke etike i oblikovanja moralnog lika borca,
- ostvarivanje što povoljnijih uslova za razvoj sporta, poboljšanje zdravstvene zaštite i osiguranje sportista, obezbjeđenje materijalnih, organizacionih i stručno-tehničkih uslova za razvoj i unapređenje sporta i postizanje što boljih rezultata i dostignuća u sportu,
- okupljanje lica oštećenog sluha radi organizovanog djelovanja na poboljšanju kvaliteta njihovog života, aktivnosti na ostvarivanju njihovih socijalnih prava i stvaranja uslova za uspješno zadovoljavanje opštih, zajedničkih, posebnih i specifičnih potreba i interesa lica oštećenog sluha,
- podsticanje i koordiniranje aktivnosti na ostvarivanju socijalnih prava i stvaranju uslova za uspješnije zadovoljavanje opštih, zajedničkih, posebnih i specifičnih potreba građana,
- poticanje, usmjeravanje, objedinjavanje i koordiniranje rada muzičara u cilju unapređenja muzičkog nivoa, kao i pružanje stručne i druge pomoći muzičkim izvođačima, te otkrivanju talenata putem seminara i organizovanjem takmičenja,
- pružanje zdravstvene, psihosocijalne i pravne zaštite, pomoći, savjetovanja i podrška traumatiziranim ženama, djeci njihovim porodicama, žrtvama ratnog zlostavljanja i domaćeg nasilja,
- istraživanje, očuvanje i afirmacija kulture, tradicije i običaja,
- pomaganje umjetnika, učenika i studenata, praćenje odgojno-obrazovnog procesa, uspostavljanje neposredne saradnje sa kulturnim i prosvjetnim organizacijama,
- organizovanje i provođenje zdravstvenog prosvječivanja, kroz razne oblike predavanja, izdavanja brošura i drugih oblika aktivnosti na organiziranom djelovanju cjelokupne društvene zajednice za sprječavanje i otklanjanje bolesti i provođenje adekvatne terapije,
- stvaranje uslova za razvoj i unapređenje poljoprivredne proizvodnje i stočarstva, skladištenje i prodaja proizvoda, te uvođenje novih tehnologija i mašina u radu,
- okupljanje pojedinaca koji su voljni da se vlastitim snagama i sredstvima angažuju na očuvanju, unaprjeđenju i zaštiti prirode i da se konstantno angažuju na usklađivanju interesa i odnosa društvenog razvoja sa prirodnim zakonitostima i potrebama ljudi, te biljnog i životinjskog svijeta, da žive u zdravim sredinama i čistim okruženjima i da na taj način doprinose kvalitetu življenja uopšte.

Za rad i djelatnost NVO dobijaju finansijska sredstva od Vlade Zeničko-dobojskog kantona u skladu sa postojećim zakonskim propisima prema kriterijima, načinu i dodjeli sredstava sa opredjeljenjem za vrlo javnu i transparentnu proceduru dodjele finansijskih sredstava, što predstavlja jasan iskorak u pravcu izgradnje povjerenja između vladinog i nevladinog civilnog sektora.

V. STANJE U REGISTARU UDRUŽENJA GRAĐANA

U Registar udruženja građana i fondacija upisano je 1671 (prošle godine 1.538) udruženje od čega za djelatnost arhitekture 2 (2), afirmacija struke 12(12), boračka zaštita 114(109), sportska 446(416), privreda 46(46), pomoć građanima oštećenog sluha 8(8), socijalna skrb 240(238), tehnička kultura 47(43), muzička kultura 46(45), pomoć ženama 72(61), kultura 137(124) zdravstvo 32(28), obrazovanje 299(261), poljoprivreda 103(84), ekologija 67(61)

Iz napred navedenih podataka znatno je povećan broj udruženja u djelatnosti sporta i poljoprivrede.

Ministarstvo za pravosuđe i upravu ne raspolaže podacima koji se odnose na ukupan broj članova udruženja građana, niti brojem članova pojedinih udruženja, budući da provodi samo postupak upisa udruženja građana.

U 2011. godini, a u saradnji sa ostalim Ministarstvima, vodilo je aktivnosti oko sređivanja stanja upisa promjena do sada registrovanih udruženja, budući da mnoga udruženja nisu postupila po članu 33. Zakona o udruženjima i fondacijama Federacije Bosne i Hercegovine ("Službene novine Federacije Bosne i Hercegovine", broj 45/02), a dužna su kantonalnom organu prijaviti promjenu statuta, naziva, sjedišta, djelatnosti, lica ovlaštenih za zastupanje i predstavljanje, članova organa upravljanja, pripajanja, razdvajanja ili transformacije i prestanka rad udruženja odnosno fondacije u roku od 30 dana od dana izvršene promjene.

Naime, prilikom apliciranja za dodjelu sredstava obaveza udruženja je da prilože - Izvod iz Registra udruženja, koji izdaje Ministarstvo za pravosuđe i upravu, a na osnovu uvida u registar iz kojeg se vidi da li je udruženje prijavilo i izvršilo upis promjena u Registar.

Shodno gore navedenom za određena udruženja ispostavili smo rješenja o upisu promjena u Registar, a sve veći broj zahtjeva je za upis promjena u Registar.

VI – FINANSIJSKA PODRŠKA VLADE SA NAJZNAČAJNIJIM PROJEKTIMA

Vlada Zeničko-dobojskog kantona je finansijsku davala podršku nevladinim organizacijama i njihovim projektima, a u cilju održivog razvoja i većeg učešća građana radi zaštite njihovih prava i interesa, te razvoju aktivnog građanstva i nevladinih organizacija u donošenju odluka i kreiranja javnih politika.

Vlada je na prijedlog premijera Kantona i ministarstava u 2011. godini odobrila ukupno 2.112.270,00 KM

S tim u vezi sredstva dodijeljena kako slijedi

1. Ureda Premijera u iznosu od 102.450,00 KM odnosila su se na finansiranje projekata iz oblasti: sporta, kulture i obrazovanja, a kao najznačajnije navodimo:
 - Međunarodni atletski miting „Zenica 2011“ iznos od 17.000,00 KM Atletskom klubu „Zenica“,
 - Rad omladinske škole iznos od 10.000,00 KM Udruženju Škola nogometa NK „Čelik“,
 - Manifestacija „Dan zlatnih ljiljana“ iznos od 10.000,00 KM Savezu dobitnika najvećih ratnih priznanja ZDK,
 - Sajam privrede-Biznis 2011- Tešanj iznos od 5.000,00 KM Udruženju Biznis centar Jelah.
2. Ministarstvo za obrazovanje, nauku, kulturu i sport izdvojilo je iznos od 941.930,00 KM i to:
 - 2.1. Za projekte udruženja vezane za zaštitu kulturno-historijskih spomenika izdvojeno je 10.000,00 KM i to Udruženje Art-sef Visoko - 7.000,00 KM, Udruženje žena UŽOK Kakanj - 2.000,00 KM i Udruženje Stari grad – Tešanj 1.000,00 KM),
 - 2.2. Za omladinske projekte izdvojeno 57.000,00 KM, a ističemo slijedeće:
 - Udruženje Alternative Kakanj (Omladinske volonterske akcije Bobovac 2011.) 2.500,00 KM,
 - Jedinstvena organizacija mladih JOM Jelah (9. Rastok fest) 2.500,00 KM,
 - Udruženje žena Romkinja Zavidovići (Edukacija romske djece) 1.000,00 KM,
 - Sportsko naučno istraživački klub Atom Zavidovići (Učenici osnovnih škola u otkrivanju tajni Tajana) 1.500,00 KM
 - 2.3. Projektima udruženja iz domena kulturnih manifestacija i izdavačke djelatnosti izdvojeno je 164.000,00 KM, a navodimo slijedeće:
 - Udruženje Galerija Likum Visoko (Visočki likovni susreti i Likovna kolonija) 3.000,00 KM,
 - KUD Željezara Zenica (9. Festival folklor „Zenica 2011“ i 5. Festival duvačkih orkestara BiH) 3.000,00 KM,
 - Udruženje muzičke omladine Omladinaski hor Zenica (Večer evergrina) 2.000,00 KM,

- Ansambl Bosnia folk Zenica (4. Internacionalni dječiji festival folklor a i Dječiji sevdah fest) 3.000,00 KM,
- Hrvatska folklorna skupina Bobovac (Dani kraljice Katarine) 2.000,00 KM,
- KUD Krivaja Zavidovići (Raspjevana jesen 2011) 2.000,00 KM,
- Gradski mješoviti hor Maglaj (Cjelovečernji koncert) 2.000,00 KM,
- BZK Preporod (Obilježavanje godišnjice) 2.500,00 KM

2.4. Transfer sredstava za sport iznosio je 710.930,00 KM, najveći iznos sredstava za sport odnosi se na troškove kotizacije za takmičenja.

3. Ministarstvo za rad, socijalnu politiku i izbjeglice izdvojilo je za projekte iznos od 549.044,86 KM, a što se većinom odnosilo na realizaciju programskih zadataka udruženja.

Kao najznačajnije projekte navodimo:

- Dnevni centar za djecu sa posebnim potrebama u Maglaju (Udruženje Humanost - Zenica) 135.046,20 KM,
- Centar za rano podsticanje razvoja i ranu intervenciju za djecu sa posebnim potrebama u Zenici (Udruženje Humanost) 101.756,42 KM,
- Izgradnja dnevnog centra za djecu i odrasle osobe sa posebnim potrebama u Visokom (Udruženje Humanost) 100.000,00 KM,
- Sigurna kuća za žene i djecu žrtve nasilja u porodici i zajednici (Udruženje Medica Zenica) 54.720,00 KM,
- Podrška samostalnom stanovanju-življenju osoba sa poteškoćama u razvoju općine Zenica (Udruženje Svjetlost) 18.000,00 KM,
- Mobilna kuća njega i pomoć u kući za stara i iznemogla lica smještena u Zenici (Udruženje Humanost Zenica) 23.022,24 KM,
- Angažovanje socijalnog radnika za potrebe organizacije unutrašnjeg života u zgradama u kojima su raseljena lica u Zenici Udruženje Humanost) 19.500,00 KM.
- Solidarnost na djelu-pomoć 100 siromašnih porodica (Crveni križ ZDK) 10.000,00 KM.

4. Ministarstvo za prostorno uređenje, promet i komunikacije i zaštitu okoline izdvojilo je iznos od 22.000,00 KM za projekte iz oblasti ekologije i zaštite čovjekove okoline.

Izdvajamo slijedeće projekte:

- Škola na vodi i Eko patrola (Savez izviđača općine Zenica) 5.000,00 KM,
- Remedijacija devastiranog tla u Tetovu (Eko forum Zenica) 3.000,00 KM,
- Eko kviz za učenike osnovnih škola općine Kakanj (Rec Kakanj) 2.000,00 KM,
- Eko bašta (Eko Klek –Zavidovići) 2.000,00 KM.

5. Ministarstvo za privredu izdvojilo je iznos od 4.500,00 KM, a isti se odnosi na projekte promocije poslovnog okruženja - „Biznis monitor“ (Društvo za promociju poslovnog okruženja iz Zenice – 2.000,00 KM) i organizacija Sajma organske i poljoprivredne proizvodnje (Asocijacija organskih proizvođača ZDK - 2.500,00 KM).

6. Ministarstvo za poljoprivredu, šumarstvo i vodoprivredu za udruženja je izdvojilo ukupno 23.936,00 KM i to na ime organizacije sajma poljoprivredne proizvodnje, smotre sitne stoke, izložbe sitnih životinja, aktivnostima lovačkih društava, ribolovnih i kinoloških udruženja.

Izdvajamo slijedeće projekte:

- Sajam organske i poljoprivredne proizvodnje (Asocijacija organskih proizvođača ZDK) 10.000,00 KM,
- Pomoć za rad udruženja (Savez pčelara ZDK) 3.500,00 KM,
- Međunarodna izložba sitnih životinja (Udruženje za uzgoj i zaštitu životinja iz Zenice) 2.000,00 KM,
- Monografija „90. godina lovstva na području općine Tešanj (Lovačko društvo „KISELJAK“ Tešanj) 1.000,00 KM.

7. Ministarstvo za boračka pitanja izdvojilo je ukupno 468.410,00 KM na ime redovnog finansiranja udruženja, obilježavanja godišnjica i značajnih datuma, takmičarskih aktivnosti sportskih klubova i ljetovanja djece boračke populacije i slijepih boraca.

Kao značajnija izdvajanja navodimo:

- Ljetovanja djece (JOB Unija veterana ZDK) 20.000,00 KM,
- Ljetovanje djece (Savez RVI ZDK) 19.640,00 KM,
- Ljetovanje djece (Savez slijepih boraca ZDK) 13.970,00 KM,
- Dan Armije (JOB Unija veterana ZDK) 5.000,00 KM,
- „Da se ne zaboravi – Potočari“ (Organizacija šehida i poginulih boraca ZDK) 8.000,00 KM,
- Godišnjica 3. Korpusa Armije BiH (Savez RVI ZDK) 8.000,00 KM,
- Dan mrtvih (Zajednica udruga obitelji poginulih i nestalih branitelja domovinskog rata ZDK) 3.000,00 KM,
- Septembarski dani otpora Maglaj 92-95 (Organizacija šehida i poginulih boraca ZDK) 5.000,00 KM,
- Održavanje sportskih igara RVI (Zajednica udruga hrvatskih vojnih invalida domovinskog rata ZDK) 4.000,00 KM.

Svi korisici budžetskih sredstava su obavezni po završenom projektu dostaviti izvještaj ministarstvu o utrošenim sredstvima.

VI – ZAKLJUČAK

Velik broj programa nevladinih organizacija na području Zeničko-dobojskog kantona djelimično se finansira se iz Budžeta Zeničko-dobojskog kantona, a zbog velikog broja udruženja koji obavljaju istu ili sličnu djelatnost na području Kantona dodjeljena sredstva su simbolična u odnosu na stvarne potrebe.

Kroz izvještaje od utrošku sredstava može se utvrditi namjensko trošenje dodjeljenih sredstava od strane Vlade Zeničko-dobojskog kantona, a nepoznat je iznos sredstava dodjeljen od drugih institucija.

VII- MJERE I AKTIVNOST

Vlada Zeničko-dobojskog kantona će nastaviti saradnju nevladinim organizacijama, te će davati finansijsku podršku projektima u skladu sa raspoloživim finasijskim sredstavima, kroz uspostavljanje povoljnijeg općeg društvenog okvira koji će omogućiti veći stepen saradnje između nevladinih organizacija i vladinog sektora.

Vlada Zeničko-dobojskog kantona će putem Ministarstva za pravosuđe i upravu nastojati da udrženjima građana pruži svu potrebnu pravnu pomoć u cilju zakonitog rada, te njihovo nastojanje da se udružuju u saveze.

Broj: 06-04-05-11953/12
Zenica, 28.05.2012. godine
Zenica

MINISTAR

Miroslav Penko